




ՀԱՆԴԻՍԱՎՈՐ ՊԱՏԱՐԱԳ ՀԱՅ ՆՈՐ ՊԵՏԱԿԱՆՈՒԹՅԱՆ ՏԱՐԵԴԱՐՁԻ ԱՌԹԻՎ

Նոյեմբերի 27-ին Ս. Էջմիածնի Մայր տաճարի դարավոր կամարների տակ հանդիսավոր պատարագ մատուցվեց Խորհրդային Հայաստանի 68-րդ տարեդարձի ստեփիվ: Տոն հայ պետականության՝ դարեր տևած անիշխանական կանքից հետո: Տոն ժողովրդի ինքնահաստատման՝ ի հեճուկս պատմության ու ճակատագրի հարվածների: Տոն գալիքի երաշխիքի՝ այսօրվա պետականությունը վաղվա երազների հիմք դարձնելու հույսի:

Խոռոհերամ բազմությունը լցրել էր եկեղեցին՝ աղոթեջանական հանրապետությունում գտնվող հայության վիճակով մտահոգ, փախստականներին շնորհակալության հույսով՝ լսելու Ամենայն Հայոց Հայրապետի պատգամը:

Եվ Նորին Մուրթ Օծությունը՝ տվեց իր հուսադրող պատգամը՝ ողջսիրտության ու լավատեսության կոչելով իր ժողովրդին, քանի որ Սուրբ Ավետարանում Քրիստոս խոստացել էր, որ բոլոր նրանք, ովքեր արդարության քաղց ու ծարավ ունեն, պիտի հագնեան, այսինքն պիտի հաղթանակի արդարությունը, և մեր ժողովրդի պատմության նոր հարցադրումները «յ» տի ստանան իրենց արդարամիտ լուծումը:

ՎԵՀԱՓԱՌ ՀԱՅՐԱՊԵՏԻ ՔԱՐՈՋԸ
ՀԱՅԱՍՏԱՆԻ 68-ՐԴ ՏԱՐԵԴԱՐՁԻ ԱՌԹԻՎ՝
ԱՐՏԱՍԱՆՎԱԾ Ս. ԷԶՄԻԱԾՆԻ ՄԱՅՐ ՏԱՃԱՐՈՒՄ

«Յանուն Հօր և Որդույ և Հոգույն Սրբոյ, ամեն»:

«Երանի որ քաղցեալ եւ ծարաւի իցեն արդարութեան, զի նոքա յագեցին» (Մատթ. Ե 6):

Սիրելի հավատացյալներ,

Հիսուսի լերան քարոզի այս խոսքը, դարեր շարունակ եղել է մեր տա-
ռապալ Եկեղեցու ու ժողովրդի երազանքն ու մխիթարությունը:

Մանավանդ 10-րդ դարից հետո, գրեթե անապես մեր ազգի կյանքի
բաժինը եղել է հալածվել՝ վասն արդարության և վասն ազատության:

Նա միշտ մարտնչել է իր ճակատագրի դեմ և երբեմն էլ թեև հաժա-
կերպվել է դաժան պայմաններին, սակայն երբեք չի հուսահատվել: Նա հո-
գով միշտ մնացել է ազատ ու հավատքը չի կորցրել, որ արդարության
քաղցյալները անպայման կհազենան:

Սա հայ ժողովրդի կյանքի փիլիսոփայությունն է դարձել և դրանով է
ապահովվել իր ոգեկանությունը, դրանով է կազմավորվել ու թռիչք առնել
իր հանճարը, դրանով է նա ստեղծել իր մշակութային արժեքները փառավոր
գանձարանը:

Հայ ժողովրդի դաժան ճակատագիրը սակայն շրջվեց Սարդարապատի
հաղթանակով, իր քաջ որդվոց սուրբ արյունով և վերականգնվեց հայկա-
կան ազգային պետությունը, որ ասանամյակների ընթացքում ոչ միայն իր
դարավոր վերքերը բուժեց, այլև կարողացավ տնտեսական, կրթական,
մշակութային նոր վերելք ապրել, քառապատկելով իր ազգաբնակչության
թիվը և օժտել Հայաստանը բոլորիս պարծառք Երևանով:

Սկիզբ առավ ու բարձունքների հասավ Հայաստանի վերածնունդը:

Սիրելի հավատացյալներ,

Ինչպես ամեն տարի նոյեմբերի վերջերին, մեր Մայր տանարում հան-
դիսավոր գոհաբանական մաղթանքի սրարողություն ենք կատարում Սո-
վետական Հայաստանի հիմնադրության տարեդարձի սուրճով, աղոթելու մեր
մայր հայրենիքի անասանության և համայն մեր ժողովրդի կենաց խաղա-
ղության ու բարօրության համար:

Այս տարվա հիշատակումը տարբերվում է նախորդ տարիների ոգե-
կոչումներից, իբրև բնական հետևանք Արցախ-Ղարաբաղյան տագնապալի
իրավիճակի, իբրև հետևանք համայն մեր ժողովրդի արդար սպասումների,
ի պաշտպանություն Ղարաբաղի ինքնավար մարզի օրինավոր պահանջ-
ների կենսագործման, ազգությունների ինքնորոշման սահմանադրական
իրավունքի հիման վրա: Հայ ժողովրդի պահանջատիրական արդար շար-
ժումը անշուշտ պիտի շարունակվի և պետք է շարունակվի, սովետական
ազգությունների եղբայրության սկզբունքների հիման վրա:

Նման տագնապալի կացությանց մեջ գտնվող ժողովուրդների համար,
հրամայական է պահպանել հայրենասիրական բարձր գիտակցություն, քա-
ղաքացիական ողջամտություն և միասնության ոգի, համախմբված մեր երկ-
րի հիմնական շահերի պատվանդանի շուրջ: Մեր ազգային տոնը, նոյեմ-
բերի 20-ի ոգեկոչումը այն օրիթն է, որ անդրադառնանք և ուղիղ ըմբռնենք
մեր հայրենիքի հիմնական շահերը:

Այսօր չենք կարող մոռանալ այն աղետալի պահը, 1920-ի աշունը, երբ
բեմալական թուրքական բանակը, Քյազիմ Կարաբեքիր փաշայի հրա-
մանատարության ներքո, հարձակվեց Հայաստանի Հանրապետության վրա
և՛ գրավեց Կարսն ու Ալեքսանդրապոլը և իր կամքը պարտադրեց Ալեք-
սանդրապոլի սև դաշնագրով, որով Հայաստանը անձնատուր էր փնտմ
դարավոր թշնամուն:

Ահա այդ պահին էր, որ ռուսաց բանակի օգնությամբ դուրս բռնվեց
թշնամին մեր երկրից ու ծնունդ առավ Սովետական Հայկական Հանրապե-

տությունը իբրև անդամ Սովետական ապագային հանրապետությունների միության:

Այսօր, երբ տոնախմբում ենք մեր Հանրապետության տարեդարձը, պետք է աղոթենք, որ նույն անվտանգության ու խաղաղ զարգացման ճանապարհով, սովետական ժողովուրդների եղբայրական մեծ ընտանիքում, մեր հայրենի ժողովուրդը շարունակի գոյատևել, ապրել ու գործել կյանքի կոչելու կամեցողությամբ իր բոլոր արդար եպագանքները, մանավանդ որ վերակառուցման և ժողովրդավարական հեղաշրջման այս ժամանակներում հետզհետե զարգանում են ու դեռևս պիտի զարգանան՝ Սովետական Միության կառույցի մեջ, ազգային հանրապետությունների ներքին ազատ ինքնադեկլարացիայի պայմաններն ու ձևերը, ազգամիջյան ուղիղ փոխըմբռնման և համերաշխ գործակցության ճանապարհով, ի բարգավաճումն բոլոր եղբայր ազգությունների ու հառավել ամրապնդում սովետական բազմազգ միության հիմքերի, ձերբազատված անցյալի աղետալի սխալներից:

Երկու տարի առաջ, 1986-ի հուլիսին, մի կարևոր առիթով Մենք արտասահմանի հայությանն ուշադրությանը հանձնեցինք Մեր մտածումը, Մեր դատողությունը՝ Սովետական Հայաստանի ներկայի ու ապագայի նկատմամբ, ասելով, որ «Սովետական Միության ազգային հանրապետությանց շարքում, եթե կա մի հանրապետություն, որը առավելագույն չափով շահագրգռված է անբաժան մնալ Սովետ. Միության կազմից, դա Հայաստանի Հանրապետությունն է»:

Սա մեր պատմության հրամայականն է, սա մեր ճակատագիրն է, սա մեր ապագան է:

Մեր այս դատողությունը հիմնված է երեք թախտորոշ տվյալների վրա. առաջին՝ մեր հայրենիքի աշխարհագրական դիրքը, երկրորդ՝ մեր անցյալի ողբերգական փորձառությունը և երրորդ՝ մեր ժողովրդի սեփական ուժերի ու հնարավորությունների տարողությունը:

Այս խոհերը Մեր գիտակցության մեջ առավել հստակվեցին ու ամրապնդվեցին վերջին ամիսներին և այս օրերին: Եվ Մեզ համար մխիթարություն է, որ Մեր վերոհիշյալ դատողությունը պատգամ հանդիսացավ նաև սփյուռքի հայության ծոցում, բոլոր հայ կազմակերպությանց հոսանքների հաստատ կեցվածքով, նույն պատվանդանի վրա:

Այո, հրամայական է, այդ պատվանդանի վրա կանգնած մնալ ամուր ու աներեր, թե՛ մայր երկրում, թե՛ արտասահմանում և աննահանջ կերպով հետապնդել կենսագործումը մեր ազգային բոլոր արդար սպասումների ու իրավունքների, թե՛ Արցախ-Ղարաբաղյան հարցում, թե՛ 1915-ի ցեղասպանությունը միջազգային մակարդակի վրա՝ ճանաչում ստանալու հարցում, թե՛ հայրենիք-սփյուռք միասնական գործակցության հարցում, թե՛ մեր երկրում մայրենի լեզուն առավել ամրապնդելու և համատարած օգտագործման մեջ դնելու հարցում, թե՛ մեր դեռևս ավերակ մնացած վանքերն ու եկեղեցիները առավել թափով վերաշինելու և նրանցից մի քանիսը գործող դարձնելու հարցում, թե՛ անցյալի տնտեսական, սոցիալական ու բարոյական արատները արմատախիլ անելու հարցում, ամբողջ Սովետական Միության մեջ ծավալվող վերակառուցման բարեբաստիկ շարժման ճանապարհով, թե՛ մոտիկ անցյալի հայ ազգային ազատագրական շարժման դեպքերն ու հերոսական սխրանքները վերագնահատելու հարցում:

Եթե չլիներ նոյեմբերի 29-ը և եթե կյանքի կոչվեր Հայաստանին պար-

տադրված Ալեքսանդրապոլի սև դաշնագիրը, պիտի կորցնեինք այն, ինչ շահել էր մեր ժողովուրդը Սարդարապատի հաղթանակով:

Մեր ըմբռնումով, 1918-ի մայիսի 28-ի ակտը և 1920-ի նոյեմբերի 29-ի հռչակումը, երկու պատմական իրադրություններ են, մեկը մյուսին հաջորդույ, մեկը մյուսին ամբողջացնող, երկուսն էլ նույն ազգային իդեալների իրականացման նույն ճանապարհի վրա:

Ինչքան ժամանակը առաջ է գնում, այնքան իրար են մոտենում այդ երկու բախտորոշ տարեթվերն ու իրար իմաստավորում:

Այս մտորումներով ու հույզերով, սիրելի հավատացալ ժողովուրդ Մեր, այսօր ես դեպի երկինք ենք առաքում Մեր աղոթքը, որը կարդացվում է բոլոր հայ եկեղեցիներում ամեն կիրակի օր սուրբ պատարագի ընթացքում՝ «Տէր Աստուած, զհանրապետութիւն Հայաստան աշխարհիս՝ և զհամայն ժողովուրդս հայոց պահեա պահպանեա յամայր ամս ընդ հովսնեալ ամենագոր Աջոյ Քոյ, ի շինութեան, ի խաղաղութեան ե յանասանութեան»: Ամեն:





ՎԵՀԱՓԱՌԻ ՀՄԹՐԱՊԵՏԸ ՏԻՍՐԶ Կ. ՌԻԺԿՈՎԻ, Ս ՀԱՐՈՒԹՅՈՒՆՅԱՆԻ ԵՎ
Ս. ՎԱՐԴԱՆՅԱՆԻ ՀԵՏ ՎԵՀԱՐԱՆԻ ԸՆԴՈՒՆԵՆՈՒԹՅԱՆՑ ՍՐԱՀՈՒՄ



ՎԵՀԱՓԱՌԻ ՀԱՅՐԱՊԵՏԸ ԽՍՀՄ ՄԻՆԻՍՏՐՆԵՐԻ ԽՈՐՀՐԳԻ ՆԱԽԱԳԱՀ Ն. ՌԻԺԿՈՎԻ
ԵՎ ՀԽՍՀ ԿԵՆՏՐՈՆԻ ԱՌԱՋԻՆ ՔԱՐՏՈՒՂԱՐ Ս. ՀԱՐՈՒԹՅՈՒՆՅԱՆԻ ՀԵՏ

(14 դեկտեմբերի 1988 թ.)




ՎԵՀԱՓԱՌԻ ՀԱՅՐԱՊԵՏԸ ԻՏԱԼԱԿԱՆ ԿԱՐՄԻՐ ԽԱՉԻ ՆԱԽԱԳԱՀ ՏԻԿԻՆ ՖԱՆՖԱՆԻԻ ՀԵՏ ՎԵՀԱՐԱՆՈՒՄ



ԵՐԿՈՒ ԿԱԹՈՂԻԿՈՍՆԵՐԸ ՄԱՅՐ ՏԱԺԱՐԻ ԱՎԱԳ ԽՈՐԱՆԻ ՎՐԱ
(18 դեկտեմբերի 1988 թ.)



ՀԱՅՐԱՊԵՏԱԿԱՆ ԳՈՒՐԳՈՒՐԱՆՔ, ԼԵՆԻՆԱԿԱՆ



ՎԵՀԱՓԱՌԻ ՀԱՅՐԱՊԵՏԸ ԱՄՆ-Ի ՆՈՐԸՆՏԻՐ ՆԱԽԱԳԱՀԻ ՈՐԴՈՒ ԵՎ ԹՈՌԱՆ ՀԵՏ



ԿԻՍՏՎԵՐ ԱՄԵՆԱՓՐԿԻՉԸ, ԼՆՏԻՆԱԿԱՆ



ՎԵՀԱՓԱՌԻ ՀԱՅՐԱՊԵՏԸ ՄԱՅՐ ԹԵՐԵԶՅԱՅԻ ՀԵՏ ՎԵՀԱՐԱՆՈՒՄ



ՎԵՀԱՓԱՌԻ ՀԱՅՐԱՊԵՏԸ ԱՄԵՐԻԿԱՅԻ ՓՐԿԱՐԱՐՆԵՐԻ ԽՄԲԻ ՀԵՑ




ՎԵՀԱՓԱՌԻ ՀԱՅՐԱՊԵՏԸ ԿԻՐՈՎԱԿԱՆՈՒՄ

(21 հունվար, 1980)



ԼՆՏԻՆԱԿԱՆ



ՄՊԻՏԱԿ